

მშობელი


№ 23

1917

შინაარსი: პატარა ფიქტიონ — ოჯახი. ყოფი-
ლი თავადის ლეკია — გ. ჩაჩუა. დეპუტატი — სკნდერი. წიგ-
ნი — თვლია მელიქი — (თარგ.) დ. ჩლო. მახსენს
ლეკები — მანსე ტ. ძე. შაჰადა — ანდონიკო. ნანა —
ხვა დაშკლი. ეშმაკო პოფიციკო — ცხაკი. გამოცა-

ნა მცობლი ქალთა კრებაზე — სტანა კუპლიტე-
ი. გოლგოთელა. მრეწველი — გოგია.
სურამები: გოლგოთაზე, უკანასკნელი წარმოად-
გინელი. შარებები. უჩხ მანანის სარკე.

რ რ გ რ რ გ ა ვ ი გ რ თ?



ა. გუჩკოვი (მუშას) დიხს, მოვა დრო, როცა თქვენ
ტალახში დაგივარდებათ ეგ წითელი დროშა თავისუფლებისა.
მაშინ ჩვენ ავიღებთ და ავიტანთ იმ სიმბოლესზე, რომელიც
მას შეეფერება.

მ ა ტ რ ა ე ე ლ ე ტ ო ნ ი

სიკვდილის „მოსროება“

ჩემდა სასახლოთ უნდა ითქვას, რომ სიკვდილზე ფიქრი მხოლოდ მეხუთმეტე წლის მარტში დავიწყე, სახელდობრ, როცა ჩემმა მასწავლებელმა ანთიმოზ ყურგლეჯიაშვილმა მატემატიკაში ორი დამიწერა.

— არა ღირს ცხოვრება! ვაჟკაცს მათემატიკაში ორი აგაკრეს, ვის უნდა ეწვეოდნენ შერცხვენილი და გაზბილებულიო, — ჩამჩურჩულებდა მარცხენა ყურში ვიღაცას იდუმალი ხმა.

— დიახ! უკაცრავათ! ვანო კონკილაძეს მეტემატიკაშიაც და წერაშიაც ორები აქვს, თუ კი ის არ იკლავს თავს, მე რისთვის უნდა მოვიკლა! — ჩამძახოდა მარჯვენა ყურში მეორე ხმა იდუმალი.

მეც დაგფიქრდი და გადავდე სიკვდილი სკოლის გათავებამდე. მაგრამ ამ ხნის განმავლობაში გავეცანი ძვირფას მოსაგონარ თეკლე როზხობაძის ქალს. ჩვენ შორის განსაცვიფრებელი დამოკიდებულება და მიწერ-მოწერა დაპყარდა. ჩვენი ნაცნობობის შესამე წლის დამლეეს თეკლე სოფლის ფერშალს მისთხოვდა. ეს გარემოება ჩემთვის თავზარდამცემი იყო და მე მყისვე თავის მოკვლა განვიზრახე. დროც იყო.

— აბა არა გრცხვენია? — ჩამძახოდა მარცხენა ყურის ხმა, — შენი სატრფო გათხოვდა, არაფრათ ჩაგადლო, დაგიწუნა და მიგატოვა. ნუ თუ კიდევ გეცხოვრება ამ ქვეყნათ?

— სისულელეა და სხვა არაფერი! — გამოეხმაურა მარჯვენა ყურის ბინადარი, — პირიქით, უნდა დაუმტკიცო მას (თეკლეს), რომ ის მუხანათია და მას არ ეცხოვრება, არა თუ შენ. ქვეყანაზე თეკლე ერთი და ორი როდია.

მეც დაფუჯერე და გადავდე სიკვდილი მეორე თეკლეს აღმოჩენამდე. იმ ხანებში ჩვენს ქვეყანას დიდი ცვლილება დაეტყო. ხალხმა გამოიღვიძა და სარევოლიუციო მზადება დაიწყო. ამ აზვავა მეც ამიყოლია. თეკლე სულ დამაიწყდა და სიკვდილი ჩვენი ბოქაულის გადაყენებამდე გადავდე.

პირველი დღეები სარევოლიუციო მზადებისა

მარცხიანი გამოდგა. მე დამიჭირეს და ციხეში ჩამსვეს. ჩემში კვლავ ბრძოლა გაჩაღდა სიკვდილი-სიკოცხლისა. ბრძოლაში ისევ სიკოცხლემ გაიმარჯვა და სიკვდილი ციხიდან გამოსვლის დროისთვის გადავდე.

ქვეყანა აბობოქრდა. ეს 1905 წელში იყო. არა თუ ჩვენი ბოქაული, თვით გუბერნატორიც სდღაც გაიპარა და ჩემ თვალწინ ბურჟუაზიული რევოლიუციის აჩრდილი დადგა. გაიმართა კამათი ამ საგანზე და როგორც მოსალოდნელი იყო კვლად სიკოცხლემ გაიმარჯვა:

— თუ ჩვენი ღმერთმა პარლამენტარულ წესწყობილება მომასწრო, მეცმე ჯანაბას ჩემი თავი, მოგვედ, აღარ ვინანებ მეტი, წარმოგსთქვი. როცა მღელღვარებამ უმაღლეს წერტილს მიაღწია.

რევოლიუცია დამარცხდა და ჩემს წინაშე სიკვდილის შავი აჩრდილი აიტუხა.

— აბა რას იტყვი? — ჩამძახეს მარცხენა ყურში. — იმედი დამისხვრა, ნუ თუ სიკოცხლე ღირს რათმე?

— დიახაც ღირს, — უბასუხა მარჯვენა ყურის დარაჯმა, — საჭიროა ბრძოლა გამარჯვებისათვის დღეს თავის მოკვლა მხოლოდ სიმხდალე იქნებოდა

მეც გადავდე სიკვდილი რევოლიუციის განმეორებამდე. ახლა ვრწმუნდები, რომ ჩემი ტაქტიკა ქეშმარიტათ სწორი და საპართლიანი იყო. ათიოდ წელიწადი დამჭირდა ლოდინი, ვიდრე რუსეთის დიდი რევოლიუცია მოხდებოდა. ისიც მოხდა და იმედია სასურველათაც დაგვირგვინდება.

ამ გარემოებამ მიძულა სიკვდილი რევოლიუციის დამთავრებამდე გადამედო. მაგრამ რაკი წარსული ისტორია თვალ წინ მაქვს, ადვილათ შემოძლია მომავალიც გავითვალისწინო.

ამ ბურჟუაზიული რევოლიუციის დამთავრების შემდეგ წარმოსდგება რიგში სოციალური რევოლიუცია და დარწმუნებული ვარ იგიც მოითხოვს სიკვდილის გადადებას. აქ უარის თქმა სოციალისტისათვის პირდაპირ შეუძლებელი იქნება.

როდესაც სოციალისტური რევოლიუცია დათავრდება და ქვეყნათ სოციალიზმი დამყარდება თავის თავად ცხადია სისულელე იქნება მაშინ თვის მოკვლა, ვინაიდან ამას აღარ ექნება არავითარი გასამართლებელი საბუთი.

ასე ქანდრაკულათ არის ჩემი სიკვდილის საქმე

მორიელი.

ყოფილი თ-ღ კუპი ჩიჩუასგანა*)

შიიფერთათ ჯიმაღეფი ართი შურით ართი გურით ართიანი ვაგი ბჯოგუათ ჯვეშობური საყვენდურით ქოფთქუათ არგამათ ასეშახ მუთ ფუვლით ქიშვერთათ იერიშით ჩქინი ტერიშა ვაიუთ.

ჩიჩუაშა ვაშენს გიქქდანი თენა თაში ვართი გიშოთირუარე ქირსეშილო თანაფაში ქოხვადნდა თქვენანს მიღუღით მუში რაში დო ქოხვადნდა ჩიჩუასთ ქუთუწით ვაშა ტაში.

ჯიმაღეფი ექვიში გურით ნუმუჯინეთ ჩქინი თორს ვააწყეთო მუქ ალოღნი ნიკოლოზიში დიდი სტორს ეშმაკენქ ქუთუციუ მაწულო იშიქონს არძას თაში ღოღა მუღას უსამართლო დიდიკოს.

დეეჯერით ჯიმაღეფი ვეპიაქციათ ყურადღება გვარი მუშა სქულობას ქუღუღუნდა ის ღირსება დო თეწკელა დეეჯერით ქე ტყვებუნო ხუთი გრძობა უსამართლოთ ვადასაჯათ იხვარით შურ გრძელობა.

ახალი კანონი მოხიოღ გიქქდანი მა მიყორს თის გუღულუფუქე, რადგან მცხვრე თიში მიწდორს მუღდარენი ვამონდთ მიჯინეთ შორი შორს მარა მუქამს მეხვადთნი დიწვეურუნთ ბრელითორს.

მუქოთ თენა თაში რენი მოწამეთ პუნს დვალი შხვა მოწამე მავამოკო დამიბაღლი ბერალი დემოკრატენს ეს ვაფშქიდა გომირჩქინას სამართალი ესტორუა დაუბაღ თეშა ქომღუნდა ბრალი

ხანური პრისტავი ირისთე სულუჩქიმი მოჯგირალა ფუჩი ალთქმათ ენწყიმილი ჯატურიაში მეჯიმალა კახაყევი დიფუჩუნა ეშქომღუნდა ბრალა ოორონქ არძა მიოკოთ დვალი ერისთედო მუში ძალა.

გორგო ჩიჩუა.

*) ეშმაკის მათრახის რედაქცია ბოდიშს იხდის მეგობრულად არ მტოდანე შეათხველებთან, თარგმანის დაგვიანებისთვის. ახლო მომავალში აშს. ეშმაკი თითონ ახლად რებს სემეგრადისაკენ და იმედია ეჩსავტ შეისწავლის თარგმანის მოსახდენათ.

დ ე ზ ე შ ე ბ ი

ქ. ბათუმი. დაარსდა ბანქოს მოთამაშეთა პროფესიონალური კავშირი. გამგეობის წევრებათ არჩეული არია, სულ ხუთი კაცი: 1) ვ. ვახტანგაძე, 2) ი. გობრონოვი, 3) კ. ხოხობიანი, 4) ს. ტულუშბეგი და 5) ნ. ლლონტოვსკი. ბიურო მოთავსებულია ვასიკო ვახტანგაძის საპარტიკამბეროს უკანა ოთახში. კავშირში ჩაწერა შეუძლია ყველას, ვინც თამაშობს „ბაქარას“, „ჩერეს“, „21“ ს, და „ვერტუშკას“, მხოლოდ საჭიროა გეორგოვის და გევიშვილის „რეკომენდაცია“ („კონჩინას“ და „დურაჩკის“ ცოდნა არ არის სავალდებულო). კავშირის ბიურო ღიაა საღამოს 9 საათიდან დილის ცხრა საათამდე. უქმეებზე ბიურო მთელი დღე და ღამე ღიაა. სამწუხაროდ უნდა აღვნიშნოთ. რომ ბევრნი საპატიო პირები ვერ იქმნა არჩეული, მავალითად როგორც არიან დავითაშვილი, ხარიტონ ვახტანგაძე, ტეხნიკი ჩამწვარაწე და სხვები, მაგრამ ეს უნდა მიეწეროს კავშირის წევრთა მოუშხადებლობას.

უსურვებთ ამხანაგებს მეტ ენერგიას თამაშობის განვითარების საქმეში. მოთამაშენო! მთელი ბათუმისა, შეერთდით!

კ—ს მ—თა პრ. კ—ს დროებით მდივნის მოვალეობის აღმასრულებელი:

ისკანდერ.

შეკბილი თვალთახეფიისა

ის. გუაგინი.

(თარგმანი)

მოქალექე ბებიაშვილი ოთახში შემოსვლისთანავე სავარძელში ჩავგორდა და საბრალო ხმით წარმოსთქვა:

— რა გვეშველება ნეტავი? ს.დ მოვედით და საით მივდივართ?.. მე არ ვიცი, სად არის სადგური, ან შესასვენებელი პლატფორმები... სრულიად არაფერი არ ვიცი!.. ღვთის გულისათვის ამიხსენი, როგორ ვართქვამს ვეკუთნი?

მე ვამეცნა.

— ეს შენ თვითონ უნდა იცოდე!

— შენ კი როგორა გგონია?

— მე ვფიქრობ, არც ერთ პარტიას არ ეკუთნი.

— საქმეც ეგ არის, რომ არც ერთ პარტიას არ ეკუთნი. დრო კი ისეთია ახლა, რომ ყოველი მოქალაქე რომელიმე პარტიას უნდა ეკუთნოდეს.

— შენ პარტია ისე წარმოგიდგენია, როგორც საბოლიციო უბანი.

— თქვენ ეს მითხარით: უნდა ეკუთნოდეს რომელიმე პარტიას თუ არა?

— რას უკუვირველია, უნდა ეკუთნოდეს.

— რას მიჩვენო, რომელ პარტიაში ჩავეწერო? რაღაც სურვილი მაქვს სოციალისტ-რევოლუციონერი გავხდე.

— რატომ მიინც და მიინც სოციალისტ-რევოლუციონერობა არჩივ?

— რევოლუციის დროს ყველაზე უჯობესია რევოლუციონერობა: ყველას ეცოდინება, რომ ახალი წესწყობილების მომხრე ხარ...

— ეს შესაძლოა იმ შემთხვევაშიდაც, რომ სხვა პარტიაშიდაც ჩავეწერთ.

— მე ყოველთვის მომწონდა მემარცხნა პარტიები... იქ ძალიან გაბედული პირებია, თვალები-დაბ აქცხლს აფრქვევენ, სიტყვაც მახვილივით მკეთრი აქვთ...

— რატომ რევოლუციის დროს არ ჩავეწერეთ პარტიაში?

— მაშინ ძალიან სახიფათო იყო. ახლა დრო შეიცვალა. „არსებული წესწყობილების“ დამცველი კანონები არქივში გადამალეს. ახლა მიზანი მიხვეულია: წესწყობილება ძველი დაემხო. ვინც ციხით იშუქებოდა, თვითონ იქუჩებზე ციხის დარკინელი საკმელიდან.

— თქვენ, როგორც გაკუთნობ, მზა-მზარეული გკვარებიათ.—დაცინვით შევნიშნე მე.

— დიანაც!—მზარეულათ მიპასუხა მოსაუბრემ. ვიფიქრე: უნამუსოა თუ რეგენი. ალბათ ორივე უნდა იყოს სანახევროთ.

ბებიაშვილი ცოტახნით ჩაფიქრდა. შემდეგ

— იქნებ სოციალ-დემოკრატობა სჯობია? მე მხრები ავიჩივ. გაკვარების ნიშნათ.

მას გული მოუვიდა.

— რა ჩვეულებაა, ვერ გამიგია, გარკვეულ კითხვაზე ტანის მოძრაობით ვიგებ პასუხს. მგონი კითხვა ფრიალ სეროიზულია!

— თუ სოციალ-დემოკრატების იდეოლოგიას იზიარებ, თუ მათ პროგრამას ემხრობი, თუ მათ თვალსაზრისზე დგახარ ..

— ე-ე-ე, შე დალოცვილო, მოყვევი შენც ერთი წილაღობილას; არ გითხარი არც ერთი პარტიის არაფერი გამეგება-მეთქი! მართალია, მსურდა ყველა პარტიების პროგრამების ყიღვა. მსურდა ყველა პროგრამის შესწავლა და შემდეგ პარტიის არჩევა, რომელიც უფრო მომეწონებოდა. მაკრამ მითხრეს: პარტიები პროგრამების გადასინჯვას აპრობენო. ვიფიქრე: კარგი, ვსთქვათ, პროგრამები შევისწავლე. ერთიც ვნახოთ, პარტიებმა პროგრამების მუხლები შესცვალეს. მე ხელახლა უნდა დავიწყო ახალი პროგრამების შექმნა და მათი გაზეპირება? არა, ჩემო კეთილო, ეს ხელსაყრელი არ არის ჩემთვის.

— მაშ, იცით რას გირჩევთ? დარჩით უპარტიოთ!—ვუთხარი მე და მეგობრულათ ბეჭებზე ხელი მოუცაცუნე.

— რაო, უპარტიოთო?

მე თანხმობის ნიშნათ თავი დაუქნიე.

— გამდლობთ ამისთანა რჩევისათვის! ივანე პეტრეს-ძე—სოციალისტ-რევოლუციონერი, მარკოზ ლუკას-ძე სოციალ-დემოკრატი, მამუკა ბეკოს-ძე—სახალხო სოციალისტი, ივანე გიორგის-ძე—სოციალისტ-ფედერალისტი და მე კი უპარტიომ? გამდლობთ რჩევისთვის, ისინი სარაიონო საბჭოში, კომიტეტში და სხვა ადგილებში გავლენ, მათ მხარს დაუჭერენ მათი პარტიები და მე ვინ უნდა დამიჭიროს მხარი?

გადავსწყვიტე სალაპარაკო თემა შემეცვალა:

— სად გიყიდიოთ ქული?

— გოლოვინის პროსპექტზე... საშინელი სიძვირეა! მერე რას უყურებს ეს დროებითი მთავრობა თუ რაღაც?! ან მუშათა და სალდათების დეპუტატთა საბჭოები რას აკეთებენ? ან სახელმწიფო დუმის კომიტეტი რას უტდის? პირველ ყოვლის მათ უნდა მოეწესრიგებიათ...

— ქულების საკითხი?!

— შენ იცინი და მე-კი ძველი ქუდით სიარული არ შემიძლია. ჩემთვის ქუდის საკითხი ისეთი საპროგრამო მუხლია, როგორც აგრარული!

მე კიდევ გულმოდგინეთ დავაცქერდი მას (შევიცვალე ჩემი შეხედულება მის შესახებ: ვიფი

რე, სანახევროდ-კი არა სამი მეოთხედი უნდა იყოს რეგვენი მეთქი. ცოტა ხნის შემდეგ ვუთხარი:

— იცი, რა კითხრა? რომელ პარტიაშიდაც არ უნდა შეხვიდე, ყველა კმაყოფილი დარჩება შენი ჩაწერით.

კმაყოფილი ადამიანის სახით გაიღიმა, მაგრამ მაინც თავი მოიკატუნა და შემეკითხა:

— შენ მართლა ფიქრობ, რომ ასე იქნება?

— დარწმუნებული ვარ! შენ ერთად ერთი თითით საჩვენებელი პიროვნება იქნები პარტიის მთელ წევრებში!

— მეც უნდა გამოვტყდე, შენ რამოდენიმეთ მართალი ხარ. მე ორიგინალური, საკუთარი თვალსაზრისი მაქვს...

— ძალიან ორიგინალურიც!—დავუმატე მე.

— წარმოიდგინეთ ჩემთან კამათს ვერავინ ვერ ბედავს... მე პირველი სიტყვის წარმოთქმისთანავე პატივს ვაგრძობინებ მოკამათეს ჩემი თვალსაზრისისადმი... ერთი სიტყვით, არავინ არ შეწინააღმდეგება, არ ვიცი რატომ?!

— მე კი ვიცი!

— ამიხსენი მეც!

— არა, არ შემიძლია: ეს პარტიული საიდუმლოებაა. თუ ჩვენს პარტიაში დააპირებ შენ მოსვლას, მაშინ იძულებული ვიქნები, განვაცხადო მანამდე-კი არ შემიძლია.

— მაშ, სიტყვას მაძლევ, მითხრა, თუ რატომ ვიწვევ მე მოწინააღმდეგეში ჩემდამი პატივს?

— არა, მე მაგის პირობას არ გაძლევ; მე მხოლოდ იმას აგისხნი, თუ რატომ ქრავინ გეკამათება.

დასრულდა ჩემი საუბარი ბებიაშვილთან.

დ. ჩ - ლი.



მანასეს ლექსები

ერთობა

გაბრწინდა ცა და ქვეყანა,
მზე ამოვიდა ცაზედა;
მოვიდა ჩენი ერთობა
ჩვენს ტანჯულ ქვეყანაზედა...

— სად იყავ ჩემო ერთობავ!
ამდენ ხანს სად გიძინია?!
შენ რომ დავგზორდი მას შემდეგ
ტკბილათ არ გამიცინია.

— მე, ხომ ძილი არ მიყვარდა,
მაგრამ მტერმა ბორკილ ქვეშა
დამამწყვდია დამაძინა,
და უღრტვინლათ გამაშეშა.
სიზრმად ვნახე: ბრძოლის ველზე
სისხლის ნთხევა იყო ძმათა,—
ძინისტრები ყიდდენ ხალხსა,
თვით კი, — ღზინი გაემართა.
ნიკოს სახლის მეგობრებმა
არ დაინდევს ჩვენი ძმები,
თვითონ ოქრო ჩაიჯიბებს,
დაიკიდეს მკერდზე ჯვრები.
მე შევშფოთდი, გამედვიძა,
ყველამ მშურათ მომცა ხელი;
დავამსხვრიეთ კერპთ სამყარო,
წითელ დროშით გეახელი...

მოწოდება

გამოდით მშებო! გამოდით
არავინ დარჩეთ მძინარი;
გათანასწორდა ღირსებით,
ღარიბები და მდიდარი.

გამოდით ბრძოლის ველზედა!
მტერს დავაქიროთ(?) თვალეში;
წითელ დროშის ქვეშ შეგროვდით,
ბიჭებო გენაცვალები!...

მსხვერპლი გავიღეთ უზღვავი,
ერთობის დასახსნელადა;
მუქთად ნაშოფნი როდია,
სისხლი ვანთხიეთ ველადა...

ხელი-ხელს მივცეთ ძმურადა,
ვერ გაგეტენს გასაჭირია;
სისხლის წვეთამდე დავიცათ;
„ერთობა“ ჩვენთვის ძვირია...

ლოზუნგები

(საგარეო და საშინაო).
ჩვენ რათ გვექირა სათათრე, —
გერმანია, და ავსტრია: —
როდესაც საკეთებელი,
შინ საქმე უხვად გვაყრია!..
ხალხი სუყველა ერთია
ერთობა არის კავშირი;
ვინც არ იწამოს, სასირცხვო
წაუსვათ პირზე ნახშირი...
ძველი დრო გადავკეთოთ,
დროშები ავაფრიალოთ;
ახალ ჩარხზედა, ახალი
ქვეყანა ავატრილოთ!..
მოისპოს ძველი მონობა,
„ავაფრონტები“, და „ჩესტია“, —
გულზე ჯვრები და მენღლები,
ქულებზე მრგვალი ჟესტია!..
პოლიციის ნანგრევებში,
ძველი ვირთხაც აღარ დარჩეს;
ჩვენ ერთობას ვეთაყვნათ,
იმის მომგონს იმის გამჩენს.

მღვდელ დიაკვნს ხორაგები,
შემოაკლდათ უნდო რჩენა;
თოხს და სახნისს ეძმობილოს,
თუ რომ უნდა გამოჩენა.

ვაჭრებს გვერდი აუაროთ,
გავაშხიროთ „კოპერატი“;
დაამფერად ავაცილოთ,
მათი ხრეცი, მათი კვანტი...

დღეს ერთობა — სუფევს ქვეყნად,
უნდა გავხადეთ ყველა ძმურად;
ძირს დავამხოთ ქოფაკები,
ვინც გვიცქერის საწველ ფურათ...

ა რ ა კ ი

ამ ეთობის სასწაულით,
კაცებს დავემსგავსა მელია;

და ყოველი ტყის ნადირი
მოგვიჩოჩდა ნელა-ნელა...
დათვი, მეგლი, ტურა, და სხვა
ჩვენი ცხვრებით განასუქი;
მოდის შიშით, მოკრძალებით,
მოუხურავს ჩვენებრ ქურქი.
თხოვნა მოაქვს: „კომიტეტში“,
ტანში უელოს ჟრუანტელი;
ამბობს: თქვენს პარტიის ვარ,
გლახისა და მუშის მცველი. —
მაგრამ ფრთხილათ მეგობრებო!
კარგათ უგდეთ მაგათ ყური,
ძნელ, არის ტყის ნადირი,
უცფად გაითეს შინაური...

დ რ ო შ ა

დროშა ჩვენი ნიშანია,
ასპარეზზე გასატანი,
მტერს დაუხვდეთ მამაცურად
აღარ მივცეთ გასაქანი.
დროშა ჩვენთვის ერთობაა, —
მტარვლების გლოვის ხარი,
დროშამ გაათანასწორა,
მუშები და სოფდაგარი.(?)
დროშას მისდევს ჩვენი ჯარი,
გუგუნითა და სიმღერით;
აღთქმის მხარის გზებს კაფავენ,
მტარვალებო ჩამოდექით...

მანასე ტ—ძე.

შ ა რ ა დ ა *)

შარადის დასაწერადა
კალამს მოვიკიდე ხელია,
დღეს მოვიცალე და აპა
გამოთქმისა შეუდექია.

*) ვებუქვადეთ ამ შარადის უტყველათ იმისთვის,
რომ კვიგონ შარადის მწერლებმა როგორი შარადა ან
დაიბუქვადეთა ჟურნალში.

პირველ ნაწილს შარადისას,
საყდრებშიდა გამოვნახავთ,
როდესაც, რომ წირვა დგება
ყოველთვინა რეკვენ მასა.
სახელს იმისას თავიდან
წავართვათ ორი ნიშანი,
სხვა გადავადლოთ, არ გვინდა
უვარგისა რადგანაც.

აწ მოდი მნახე ცხოველი,
დიდ-ყურა და მშრომელი,
ამასაც კიდევ მოვსტაცოთ
ორი ნიშანი თავშიდა
და სხვები კი ეშმაკო
შიგ გადაუშვი მტკვარშიდა!

ორივე ერთათ შევეკროთ
სიტყვას მივიღებ ცნობილსა,
რომელსაც დღეს გაიძახის
მთელი რუსეთის ქვეყანა.

ანდრონიკო.

საამღროშო ნანა

(სახლურ კილოზე)

I

მრავალ ტანჯულ გლეხის შვილო
მალსახო თინაო
გაიღიმე გენაცვალე
რამ მოგაწყინაო...
სიხარულის ჟამი დადგა
შემე გაიციანო,
ბნელით მოკულ ჩაგრულთ მხარეს
სხივი გაჰვინაო...
გამარჯვებულ ხალხის გუნდმა
დაიგუგუნაო,
ბორკილების დამსხვრევის ხმა
სოფელს ასმინაო
ნანა, ნანა გენაცვალე
ნანი-ნანიანაო.

II

მრავალ ტანჯულ გლეხის შვილო
ნუ ხარ მტირალიო,

აწ შენ ჰამას ვერ აწამებს
ძალა მტარვალიო.
ურცხვად ქრთამს ვერ გამოსტყუებს
„მოსე მწერალიო“
მშობელ დედას ვერ გიწამებს
უხეში ძალიო...
დაიძინე გენაცვალე
დახუქე თვალიო...

III


დღეს ყველას ტუჩს ღიმი უკრთის
და სიხარულიო,
დღეს „აღდგომის“ ზეიმს იხდის
ხალხი ტანჯულიო,
ტახტზედა ზის სათნოება
და სიყვარულიო...
გამარჯვების ჰანგზე მღერის
ბაღში ბულბულიო,
შენც იხარე გენაცვალ
გეყო ტირილიო.

IV

ნანა, ნანა გენაცვალე
ჩემო პატარაო,
დასამარდა იგი ძალა
ჩვენ რო გვაწამაო...
კოდვის ზღუდე დანგრია
რისხვის გრიგალმაო,
დახშულ სიმართლეს ეღირსა
მკედრეთით აღდგომაო...
აწ სოფელს ვერ ააოხრებს
პოლიციელიო,
ხალხს უბრალოდ ვერ დაარბევს
ბრიყვი უზრდელიო...
გაქრა, ზღუდეს გადანარცხა
ყველა ორგულიო,
დამაშვრალი ხალხის სისხლით
გასუქებულიო...
დაიძინე ჩემო კარგო
აწ ნუ გაქვს შიშიო,
გაიხარე, შორს კრემლები
შორს, მოთქმა ვიშიო.

ბ. ვარდოშვილი.

ზოოლოგიური მუზეუმი



ეს ორი იშვიათი ცხოველი, რომელიც ინახება პეტროგრადის მუზეუმში თითქმის უკანასკნელი წარმომადგენელია რუსეთში კარგად ცნობილი ჯიშისა Mtarvalus Imperialis. ისინი იკვებებოდნენ უმთავრესათ მოქალაქეთა სისხლითა და ცრემლით (მათ შორის პილატეს ცრემლითაც). უყვარდათ აგრეთვე სიბნელე და სიმკაცრე. მათი მჭენვარება შიშის ზარსა სცემდა არა თუ მარტო რუსეთს, არამედ მთელს აზიასა და ევროპას.

გემაკი პროვინციაში.

ბ ა თ უ მ ი .

კარგა ხანია ქ. ბათუმი არ მინახავს. ვნახე და მეუცხოვა. ჩვენი კორესპონდენტების ერთ რომ ესთქვა: „ის ღღესაც იმავე ადგილას სდგას და იტკუნება, სადაც ამ რამოდენიმე წლის წინეთ იდგა“. მეტსაც ვიტყვი: ის არა თუ ერთ ადგილას სდგას და იტკუნება, არამედ უკან უკანაც მიდის.

მოგვხსენებათ ბათუმი ზღვის პირის ქალაქია და სამაჰმადიანო საქართველოს ცენტრს წარმოადგენს, (რასაკვირველია, ცენტრს არა გეომეტრიულს). კიდევაც ამიტომ შეკრებილიყვენ ამ ქალაქში სამაჰმადიანო საქართველოს წარმომადგენლნი, რო-

მელნიც მოუთმენლად მოელოდნ ჩემს ჩასვლას. საზოგადო სამსახური ჩემთვის ისეთივე აუცილებელი საარსებო საგანია, როგორც წყალი თევზისათვის და ქორები ქუთაისისათვის. მაგრამ ვინაიდან მეზაფრობით დაქანცულს მოსვენება მესაჭიროებოდა, იძულებული ვაფხვნი აქარელთა კრებაზე ჩვენი ამხანაგი აკაკი ჩხენკელი გამეგზავნა.

უნდა სიმაართლე ითქვას, რომ აქარლებს ჩემზე ნაკლებ არ უყვართ აკაკი ჩხენკელი და არც აკაკი ჩხენკელს უყვარს ჩემზე ნაკლებ აქარლები. ამიტომაც იყო, რომ სავანგებო კომისარმა დაუზარელათ იკისრა დეაღლება და თავისი სტუქრობით აუწერელი სიხარული და აღტაცება გამოიწვია აქარელ დელეგატთა შორის.

როგორც ყველა ქალაქში, ბათუმშიაც არსებობს ორი თანამედროვე რევოლუციონური ორგანიზაცია:

- ა) მუშათა დეპუტატების საბჭო და
- ბ) ჯარისკაცთა დეპუტატების საბჭო.


აქ არ არსებობს გლეხთა და თავდაზნაურთა დეპუტატების საბჭოები. ეს გარემოება ჩვენ ძლიერ გვაკვირვებს. ჩემის აზრით ყველა ქალაქში უნდა არსებობდეს მუშათა და ჯარისკაც-დეპუტატთა საბჭოს გვერდით შემდეგი საბჭოები: ბურჟუაზიულ დეპუტატთა საბჭო, მღვდელთ მსახურ დეპუტატთა საბჭო, შავ-სამღვდლო დეპუტატთა საბჭო და სხვა და სხვა. შეიძლება ეს ჯერ-ჯერობით წაადრევი იყოს, მაგრამ პერსპექტივაში მაინც უნდა ვიქონიოთ.

თავმჯდომარე მუშათა დეპუტატების საბჭოსი


ამხანაგი გიზო ანჯაფარიძე ერთობ ენერგიული ახალგაზრდა კაცია.

საჯაროთ ვაცხადებ, რომ მე ძლიერ მეცოდებიან ყველა ისინი, ვისაც საზოგადოებრივი მათი მდგომარეობა ჩემი მხატვრული კალმის მსხვერპლათ ხდის. თუ საზოგადოთ არსებობა მოღვაწისა მოწამებრივ არსებობას წარმოადგენს, ამ მხრივ მათი მდგომარეობა კიდევ უფრო რთულდება. სურათი ამხ. გიზო ანჯაფარიძისა, რა თქმა უნდა, თავს ვერ მოიწონებს თავისი მხატვრული ღირსებებით, მაგრამ ის, რასაც ის ჩვენ გვეუბნება, ჩემის აზრით, საკმაოა დღევანდელი რევოლუციონური ვითარებისათვის.

თავმჯდომარე ჯარისკაც-დეპუტატთა საბჭოსი ამხ. მალხაზიანიც ერთობ ახალგაზრდა ენერგიული და მხიარული მკაცია.



ამხ. მალხაზიანი.



გიზო ანჯაფარიძე.

უმთავრეს ყურადღების ღირსია ის მეგობრული განწყობილება და ძმური კავშირი, რომელიც არსებობს ამ ორ ახალგაზრდა თავმჯდომარეთა შორის და ეს უკანასკნელი გარემოება ნებას გვაძლევს ვიფიქროთ, რომ ასეთივე კავშირი იქნება აგრეთვე ორ რევოლუციონერ საბჭოთა შორისაც. განსაკუთრებით ეს შეხედულება განმტკიცდა ჩემში ქ. რიხეკენ მოგზაურობის შემდეგ და რაკი სიტყვამ მოიტანა არ შემძლია ორიოდ სიტყვით არ მოვიხსენიოთ ვე შესანიშნავი მოგზაურობა.

ქ. რ ი ზ ე.

შავი ზღვა ყოველთვის შავი და სახიფათო იყო მგზავრთათვის, მაგრამ დღეს მასზე მოგზაურობა ასწილ გაძნელებული და გასაფრთხიანებელია. მიზეზი შიშისა ეგრეთ წოდებული სუბმარინები, ანუ წყალქვეშა ნავებია.

მიუხედავად ამისა ჩემი ექსპედიცია არ შეუშინდა საფრთხეს და „მძინვარე“ გემით გაემგზავრა ქ. რიხესაკენ. მშვენიერი ზღვა გულგაშლით ეგებოდა „მძინვარის“ მახვილ ცხვირსა და მხიარულად ესალმებოდა გეზზე მსხდომ ძვირფას სტუმრებს, (მათ შორის პატივცემულ აკაკი ჩხენკელსაც).

არ გაგვივლია ოციოდ ვერსი, რომ ჩემ გვერდით მდგომარე ბუნების მეტყველმა თავისი გამოცდილი თვალები მრისხანეთ დაბჯინა ლურჯი ზღვის ერთ ერთ წერტილს და ოდნავ შემკრთალი ხმით წამოიძახა:

— ამხანაგებო, ფრთხილათ! ჩვენ ალყა შემორტყმული ვართ.

უნებლიეთმა შიშმა მოიკო ჩემი გული, ვინაიდან ჩემს თვალს მართლაც აუწერელი სანახაობა წამოუდგა. სულ რაღაც ასიოდ არშინის მანძილზე ჩვენი გემის წინ, ხტამეტოდ წყალქვეშა ნავი აღმოჩნდა. ისინი გასაკაცარი სისწრაფით ხტოდენ და ყურყუმალაობდენ წყნარ ზღვაზე. იმათ თავხედურ გაბედულებას ძნელათ წარმოიდგენს ადამიანის გონება. ჩემი ამხანაგების აზრით თითოეული მათგანი ათიოდ საუენის სიგრძისა იქნებოდა, მაგრამ მე ისე შეშინებული ვიყავი, რომ წყალქვეშა ნავი არშინ ნახევარ სიგრძისა გამომიჩნდა თვალში. მე ვერ შევნიშნე ვერც პერისკოპი, ვერც კაპიტანი და მით უმეტეს ვერც ასო „U“. გამოითქვა აზრი შესახებ იმისა, რომ ჩვენ მიერ შენი-

შული საგანი მცურავი ნაღმი იყო და არა წყალქვეშა, მაგრამ ბუნების მეტყველმა თავისი ავტორიტეტიული აზრით ყოველივე ექვი გააქარწყლა. მართალია მატროსებმა „სუბმარინებს“ არავითარი ყურადღება არ მიაქციეს და ის უბრალო „დღეფინებათ“ (ზღვის ღორებთ) ჩასთვალეს, მაგრამ ვინ არ იცის, რომ მეზღვაურები საზოგადოთ თავზე ხელ-აღებულნი არიან და გარდა ამისა საბუნებისმეტყველო ფაულტეტებიც არა აქვთ გათავებული. ასე იყო, თუ ისე, ჩვენ მშვიდობით გადავრჩით, ვინაიდან ნავები შეშინდენ და მიმოიფანტენ.

ქალაქი რიზე უმშვენიერესია ჩემ მიერ ნახულ ქალაქთა შორის. თითქო განგებო, აუარებელი ხალხი იქაც აკაკი ჩხენკელს მიელოდა. მეც ვისარგებლე ამით და იმ დროს, როდესაც აკაკი ჩხენკელი მიტინგის წინაშე მხურვალე სიტყვას ამბობდა, მცირე გამოძიება მოვახდინე ბათუმ-ტრაპიზონის რკინის გზის შესახებ. მაგრამ ამაზე შემდეგ.

(შემდეგი აქნება)

ეშმაკი.

მ რ ე ნ ვ ე ლ ი

გოდვილი I მოქმედებ.თ.

(დასასრული)

ეკსრია. ვაი შენ და ხაზრუმს! ის გოჯასპირი ჩემი მამთილის ბუშია, გესმის? ის ჩემი ქმრის ნამდვილი ძმა არ არის. ის მამული ჩემი ქმრის შემდეგ, ჩემი საკუთრებაა, გესმის?

ესიკელა (გვერდზედ) საკუთრება, თვარა დეი თვლი ასიანებს!

ეკსრია, რას ბუტბუტებ მაქანა?

ესიკელა არაფერს, ბატონო! რაე, თქვენ ქვრის ბრძანდები თუ?

ეკსრია. ვახლავართ, რა გნებავს მერე?

ესიკელა (განზე). ნამდვი ლათ სამოთხეში შევიდოდა ცხონებული შენი ქმარნ, რაღაი შენთან უცხოვრია.

ეკსრია. რას ჩურჩულობ მაქანე?

ესიკელა. იმე იმე ბატონო, აღარ დამალაბარაკებს! (განზე) რა ყოფილა თქვენი ქირიმეთ!

ეკსრია. შენ რომ გელაპარაკები ასტე უთხა-

რი შენ ხაზინს, რომ არაფერი მისცეს გოჯასპირს, თვარა ვერც ერთი ვერ მომრჩებით! ისე გაგახდით საქმეს, რომ ბუზები გეხვეოდეთ.

ესიკელა (გაკვირვებით). იის რეისა ბატონო! კესარია. (შეუტევს ფეხების ბრახუნით) ხმა, კრინტი!

ესიკელა. იმე, იმე!

კესარია. რომ გითხარი ისტე უთხარი, თვარა სულ თვალებს ამოგთხარი შე მიიმუნო შენა! შენ კესარიას ვერ იცნობ! (გადის).

ესიკელა. იმე! ეს რა კაჩალი დედაკაცი ყოფილა! ფუ... დასწყევლოს ღმერთმა, რალმე არ გამპუტა კაცი! ნამდვილა გაბედნიერებულა მისი ქმარი, რომ მაგ უჟამურს მოსცილობია! არა, რაფა ხვარხვალიობდა, რაფა იკვანწებოდა! დედაკაცი კი არა ნამდვილი უჯმუჯურია ვინცა ეშმაკია! (ისმის კარების რახუნე) ეე, კილო მევიდა ვინცა! ნამდვილი ღუბერნატორი ვარ მე და ჩემმა ღმერთმა, ისტე მნახულობს აი ხალხი! მობძანდით, პაჟალტე! (შემოდის შტიეგერი).

IX

ესიკელა და შტიეგერი.

შტიეგერი. Хозяйна нѣтъ дома?

ესიკელა. ნეტ, ვაში ბლადაროღია!

შტიეგერი. А ты кто такой?

ესიკელა. ია ჩალოვეკ, ვაში ბლადაროღია!

შტიეგერი. Я знаю, что ты человекъ, но здѣсь у Витуришвили служишь?

ესიკელა. სლუჟიტ, ვაში ბლადაროღია!

შტიეგერი. Но скажи хозяйну, что штейгеръ проситъ деньги за планы. Но смотри, не забудешь!

ესიკელა. და ბუდუ, ვაში ბლადაროღია, აი ვსეგლა ზდეს.

შტიეგერი. Да нѣтъ, ты меня не понялъ. Я говорю не забывай. непременно скажи хозяйну что я говорю.

ესიკელა. ნე ბეზაკოიკა, ბარინ, უმენია ბოლში დელა ნეტ. ვსე ხტო პრიდოტ დენგი პროსიტ ია ხაზინ გავარი.

შტიეგერი. Не забывай, смотри! (გადის).

ესიკელა. იმე! ერთი კილო თქვი ხო! გევიგეთ, ბატონო, გევიგეთ. შენსავით ყრუ კი არა ვარ. რას ჰგავს ეს ჯღინკი, რაფა ორშიმოს მიუღავს პი-

რი! (ისმის კარების რახუნე) ეე, მევიდა კილო ვინცა დოვლათი. მოდით, მოდით, თვარა დახურდაფა ხუთასიანები. წულას არ იცვედეთ აქანე სიარულით ის გირჩენიათ, თქვე უბედურებო.

X

ესიკელა, კანტრალიორი და მწონელი

კანტრალიორი. ესიკელა, ევტიხი არ მოსულა კილო?

ესიკელა. არ მოსულა, ბატონო ჯერე.

კანტრალიორი (გაკვირვებული). ფული ეილო კანტორაში და წამოვიდა. ავა სად წვევიდა ნეტა!

ესიკელა. ვაიმე, ნამდვილ ახალ გასართობში. შეუხვევდა ბუჟაიჩთან და სულ წააგებს იმ ფულს.

კანტრალიორი (დაფიქრებული). სად იქნება ნეტა!

მწონელი. იმე! რაფა ბოვზივით კიხხულობ! სად იქნება და ტრახტირში. იმ ფულს ქე წააგებს და მერე უყარე კაკალი. ქე ვითხარი მასთან საქმის დაქერა არ ღირს თქვა და არ დამიჯერე. იქინე საწყალ მეურმეებს ტყავი გავაძრეთ და აგერ გადაეყარეთ. რომ იძახოდი: „აქამე ათი, ოუსვი ოცი“, რის იმედით! მე მეურმეებს მოვპარე და ევტიხიმ ბუჟაიჩს მიართვა ბლუდით. რომ ცყვიროდი; „აქამე ოცი, გ ეხ პაპალამ“. ნეტავი ჯამაგირს ევიღებდე თვარა ნაარმევი და ნაქამი რაც ეილო იგი შენთვის დანილოცნია.

კანტრალიორი. წვევიდეთ, იმას მე გაპოვინებ. (გადიან).

ესიკელა (გაკვირვებული). უყურეთ რაფერ ჰქონიათ მოწყობილი საქმე! „აქამე ათი, აქამე ოცი“. ვითამ მეურმეებს პოპარე წონაში და მერე ჩვენ და ხაზინმა ერთად გევიყოთო. ვაი თქვენ პატრონს უბედურო! ნაარმევი კაცს არ შერჩება. წადით ეხლა და ბუჟაიჩი გაგიყოფთ, ისტე იცოცხლოს თქვენმა გვარმა! (უცებ შემოვარდება ევტიხი).

XI

ესიკელა და ევაგინი.

ესიკელა. ბატონო, რაფა წვევიდა საქმე? ვაჟია თუ ქალი?

ევტიხი (გაფითრებული დაეშვება სკამზე). დევილუბე, ესიკელა, ქალია.

ესიკელა. ქალი დასწყევლოს ღმერთმა! მისე

დღემჩი ქალი შეე კაცო, რაჲა შენ კარაბადინში მოგება არ გიწერია?!

ეკტისი. რა ვიცი; ჩემო ესიკელა, ასტე კია და!

ესიკელა. ასტეა და შენც ქე უტიე პატარა, თვარა ქალბატონმა რომ გეიგოს ამდენი ფულის წაგება, სულ ბღღვირს გადაგაყრის თავზე. თელათ წააგე ბატონო?

ეკტისი. ერთი გროში რომაა აღარა მაქვს. რაქენა ახლა რომ მომადგება საღამოს ის ხალხი, სით გადავარდე, სად დევიშალო! ესიკელა, მე შევალ ავერ ოთ ხში და ვინც მევიდეს უთხარი სახლში არ არის თქვა.

ესიკელა. კი, ბატონო, ვეცდები თუ არ მომთელეს ლეკური ნაბადივით.

ეკტისი. შენ ვინ რას გაგიბედავს! უთხარი სახლში არ არის თქო, მორჩა და გათავდა. (მიდის მეორე ოთახში).

XII

ესიკელა მარტო, შემდეგ გოჯ სპირი.

ესიკელა. ვაი, შენს პატრონს უბედურს. ყვავს შვილი მოუყვდა და ბუს მიუგდო, დიდი თავი გაქ და იტირო, სწორეთ ისტეა ჩემი ხაზენის საქმე! აბა, მე ვის რა უნდა უთხრა! ნამდვილათ გამლახავენ მოვალეები არ უნდა ამას ბევრი ჩიჩინი.

გოჯასპირი (შემოვარდება ქაქანით). რეიქნა, ბოშო, შენი ხაზენინ? რაჲა იმაღებას მე ვინცხა სალახანა ხომ არა ვგონივარ! იცოცხლოს გოჯასპირმა მე მაგას დღე დავაყენო.

ესიკელა. დღეი თვარა ბულღვართან რომ სახლები აქვს ქუთაისს, იგი არ ოუწერო! ეს ხორცი რაც ჰქონდა ბუქაიჩმა მოთალა თელათ და სული ჯგრე სადავოა. ვინ იცის ანგელოზები წვილებენ, თუ ეშმაკები!

გოჯასპირი. რას ტლიკონობ, ბოშო, რაის სულიო! მე ფული მინდა, გესმის, არენდის ფული, (შემოდის კესარია).

XIII

იგინევე და კეს რია.

კესარია (შემოიჭრება). რაიო, ფულიო! ვერ მოგართვი პატრიჯანი! რა ფული, რის ფული!

ესიკელა. ტუნელის ფულს თხოულობს ბატონო! (გოჯასპირაზე აჩვენებს).

კესარია. რაიო! ვინ მისცა მაგას ტუნელი! ტუნელიც ჩემია და არენდიც მე მერგება.

გოჯასპირი (კესარიას). ბოშო, რომ ვეიგძელე ენა, რაჲა ვინ მოგცა შენ მამული?

კესარია. ვინ მომცა და ის მამული. გაქლექი-ლაძისა და მე მისი ცოლი გახლაგართ.

გოჯასპირი ცოლი თვარა გვირგვინმა კისერი მოგტება შენმა სიცოცხლემ! რამდენი ხასა ჩემ ძმას ყოლია, ყველას თუ წილი მივეცი ჩემს მამულში აშენდება ჩემი ოჯახი!

კესარია. იმე, იმე! ჩემ სალაპარიკოს რომ ავილაპარაკობს! ჩემს მამამთილს რამდენი ბუში ყოლება ყველას თუ წილი მივეცი აშენდება ჩემი ობლების კერია!

ესიკელა (განზე). „ეშმაკები გუდებს აღობობდენ და ღვინო კი არსად იყოვო“, ისტეა სწორეთ აგენის საქმე. (ორივეს) ბატონო, რეიზა ილანძღავთ ტყვი-ლა თავს! ჩემი ხაზენინ რავარც ხელიკის კული ისტეა გაცქლეფილი. მოცემით არ შეგქამოთ ქირმა, იმან თქვენ არაფერი მოგცეთ და ტყვილა გინება არც კი ეკადრება თქვენ აზნოურშვილობას.

გოჯასპირი. იმე, რას ამბობ, ბოშო! რამდენი ენა გატლეკილი დედაკაცი გამოვა, ყველა თუ აფხანიკათ გევიხადე მამულში, სად წავა საქმე! აზნოურშვილობა რას მიქვია! გავლანძღავ კი არა სულს ამოვთხრი კისერში.

ესიკელა. არა, ბატონო, მე ისტე მითომ ჩემი ქკუთ მოგახსენებთ, რომ არ არის კაი თქვა, თვარა ზდილობა თქვენ უკეთ იცი თქმზე, სად აზნოურშვილი, სად გლენი!

გოჯასპირი (ესიკელას). არა, რომ მედავება რას მედავება! (კესარიას) არა უსირცხვილოდ რომ შემოიქერი რაჲა.

კესარია. შენ ენა დეიშოკლე, თვარა იცოცხლოს კესარიამ მე შენ გაგჩეჩო.

გოჯასპირი (ერთი ნაბიჯით წაიწეეს გაჯავრებული). არა, ვის უბედავ, შე უნამუსო შენა!

ესიკელა (გაკვირვებული) ია!

კესარია. რაიო, რა სთქვი ჯუჯავ, შენა!

ესიკელა. (კესარიას) იმე, იმე, ბატონო რაჲა გეკადრებათ. ასტე უნდა მაზლის პატივისცემა!

კესარია. ვაი მაზლებში გამომიწყდეს მაგისი თავი და ტანი.

გოჯასპირი (მიიწეეს) ნუ ტლიკინობ თქვა, ბოშო! ესიკელა (შუაში ჩავარდება). იმე, იმე, რაჲა

გეკადრებათ, ბატონო! აქანე ჩხუბი რავე შეიძლე-
ბა? (ისმის კარების რახუნნი. შემოდის შტიეგერი).

XIV

იგინევი და შტიეგერი.

შტიეგერი (ესიკელას). Хозяинъ не прихо-
ходилъ?

ესიკელა. ნიკაკ ნეტ, ვაში ბლადაროდი!

შტიეგერი. А гдѣ же онъ! что смѣется
что ли!

ესიკელა (თავისთვის). რა დროს სიცილია, ში-
მშილით მუცელი ხერხემალზე აქვს მიკრული. ნი-
კაკ ნეტ ვაში ბლადაროდი!

შტიეგერი. Я ему завтра же закрою тон-
нель!

ესიკელა (გოჯასპირს და კესარიას). ეე, თქვენ
აქანე თავს აკლავთ ერთი მეორეს და ეს კაცი
ხვალ ტუნელსა ჰკეტავს.

კესარია. მის ჯავრი ნუ გაქ შენ. მაგისთან
ქირიანები ჩემ ტუნელს ვერ დაკეტენ.

შტიეგერი (ათვალიერებს ვეტიხის). Нѣтъ онъ
навѣрно зѣкъ прячется. Нѣтъ-ли онъ въ
этой комнатѣ! (მიდის მეორე ოთახის კარები-
სკენ, ესიკელა წინ ელოდება და არ უშვებს).

ესიკელა. ნეტ ვაში ბლადაროდი! ხაზაიკა
დომა ნეტ, ანა ვსიო ზაპირაიკა. (ამ დროს ვეტი-
ხი მეორე ოთახში ცხვირს დააცემინებს).

შტიეგერი (წინ წაიწეეს). Эго кто такой,
не хозяинъ ли чихнулъ!

ესიკელა (ცდილობს სიტყვა ბანზე აუგდოს).
ეტა ნიჩავო, ბარინ. ეტო ეშაკ ბილ ნა კარუშნი
შტიეგერი. А гдѣ ты видѣлъ, что ешакъ
чихалъ-ны?

ესიკელა. კლანუს ვამ ბოლუ შტო ეშაკ ბილ.
(თავისთვის) ვირია ანა რა ჯანდაბა! კვირაში ხუ-
თას მანეთს იღებს კაცი და ქვეყანას თავს აღან-
ძღვიებს! (ამ დროს ვეტიხი თავს გამოჰყოფს ოთა-
ხიდან და უნდა დაინახოს თუ ვინ და ვინ უცდიან,
მაგრამ შეჰნიშნავენ. კესარია, გოჯასპირი და შტი-
ეგერი).

შტიეგერი (ჯოხს მოუქნევს ესიკელას). Зачѣмъ
же ты врешь! Вонъ гдѣ хозяинъ! გაეკიდე-
ბიან: (შტიეგერი, სოჯასპირი და კესარია).

გოჯასპირი. ეგერ არ ყოფილა! სად წამიხვალ,
სად!

კესარია. იცოცხლოს კესარიამ მე შენ აგაუ-
ტო ულაში. სად წახვალ, სად! (ყველანი მეორე
ოთახში გაცვივდებიან ვეტიხის დასაქერათ).

XV

ესიკელა მარტო

ესიკელა (გაკვირვებული). დედა, რავე წახდება
კაცი! კვირაში ხუთას მანეთს კაცი შოულობს და
მეველებს საქათმეში ემალება! მე და ჩემმა ღმერ-
თმა რომე ხაზაიკა სულ არ არის გასამტყუნარი.
გული მოუვი ანა რა ჯანდაბა იქნება ბარიშნობი-
სას სულ შანტიკროლის კაბით დეიარებოდა და
ეხლა რაღაი მაგას გადაეკიდა, ჩითის რუბაშაკ კრ
ენატრება. დედა, რა სეირი იქნება, თუ ახლა ქალ-
ბატონმა მოუსწრო, ერთ ღერ ბანალს აღარ დოუ-
ტიებს თავზე, ისეთი ფიცხი აღამიანია.

XVI

ესიკელა დი აბდულა.

აბდულა (შემორბის ქაქანით). ესიკელა, ხაზეინ
პარდადირ?

ესიკელა. რა იყო, ბოშო, გახელვებული ძაღლი-
ვით რომ შემოვარდი! გამარჯობა არ იცი შენ?

აბდულა. ბიყო, რა დროს გამარჯობა არის,
ფული დამეკარგა! სად არის ხაზეინი!

ესიკელა (დაუსტვენს). ხაზეინ გეტტი!
აბდულა. ბიყო, არდა გეტტი? მართალი უთხა-
რი, მასხარა ნუ გააკეთა!

ესიკელა. მართალს გელაპარაკები, შენ არ მო-
უკვდე ჩემს თავს. შენ ზომ იცი ტყვილა არ დავი-
ფიცავ. (თავისთვის) ვაი შენს პატრონს უბედურს,
ოავე შეგახზება ეგ შჩოტი!

აბდულა. ესიკელა, თუ კასი ხარ მართალი უთ-
ხარი, სად ზავიდა ხაზეინი!

ესიკელა. (იციანის) ხაზეინი გაფრინდა, აბდულა,
გაფრინდა.

აბდულა. ბიყო, შენ რას იცინია? უთხარი და!
მართალი უთხარი რჯულის მიდღმა თორემ კასი
მოკალია!

ესიკელა. შენი მოკლული კაცი შენფერი იქ-
ნება, შენ ვის მოჰკლავ, შე ჩიყვიანო შენა!

აბდულა. ბიყო, შენ როგორ ტუტუსი ლაპარა-
კია! მე მასხარა ხომ არა ხარ! დურაკ!

ესიკელა. (გაჯავრებული) ღურაკიცხარ და ბალვანცი. გაეთრიე! (ხელს წაჰკრავს).

აბლუა. (ძალიან გაჯავრებული) თფუ!.. (მიფურთხებს) ქართანქალა ქოფოიოლი! (გაჯავრებული გადის აბდულა სწრაფად, მაგრამ ამ დროს ძალიან დაღლილი, ნარბენი სწრაფათ შემოადებს კარებს ევტიხი და აბდულას დაეტაკება, რომელიც ყირამალა გადავარდება და ზედ დაჰყვება ევტიხი).

XVII. იგინ-გე და ევახი.

ევტიხი. თფუ... დაგწყველოს ღმერთმა! არა, რას დაეთრევი, შე დონღუზო შენა, რა გინდა!

აბლუა. (ძალიან გაჯავრებული) დონღუზი შენა და ვარ, ეშაქი და შენა ვარ! რა გინდა?! რა გინდა და ფული გინდა. შენი მუშები პური ქამია, შენ ფული არ მოსემია, შენთან სურსხული არ არის, შენთან ნაშუსი არ. არის? ერთი კაპეიკი არ მოგცეს ოქსი თვე პური ქამია! (ამ დროს ისმის კულისებიდან ხმა! სად წახვალ, ქვესკნელში ჩაგყოფი. Куда ты уйдешь каналья. შემოკვივდებიან: კესარია, გოჯასპირი, შტიეგერი, კანტრალიორი და შწონელი)

კესარია. (ევტიხის) ფული, ფული ეხლავე, თვარა თვალებს ამოგთხრი, შე მასხარავ, შენა!

ესიკელა. იმე, იმე! რა იყო, ბატონო, რა ამბავია!

გოჯასპირი. ფული ჩქარა, შე რაზბონიკო, შენა!

შტიეგერი. Ахъ ты каналья! Деньги скорѣе, а то уѣбу!

ესიკელა. (შტიეგერს) შტო ტი კრიჩიშ, ვაში ბლალაროლია!

შტიეგერი. (ესიკელას) Пошелъ ты подлещъ!

ევტიხი. (ესიკელას ეფარება) მოგცემთ, ბატონო. არ ამიღია ფული, ევიღებ და მოგცემთ.

აბლუა. სულ მოგსიმ, მოგსიმ. ეს გვირა მოქსიმ, ის გვირა მოგსიმ. როდის მოგსიმ და! ქოფოიოლი! მართალი უთხარი, თორემ ვალლა მოგაკალია, ეველანი. ფული ჩქარა, თვარა ამოგაძრეთ სული! (გარს ეხვევიან ევტიხის, ესიკელა იგერიებს).

ესიკელა. მეცათ, ბოშო, მეცათ, რა დაგემართათ!

ევტიხი. (ესიკელას ხვეწნით) მიშველე, ესიკელა, თუ კაცი ხარ.

ესიკელა. იმე, რაფერ გიშველო აწი რომ იძახი აჩი დესიტ რუბლიყო, ისტე იცის, ამა რაფე გგონია! ფულია იგი იმ თუმნანებს რომ ისერი, თვარა კვანის კაკალი კი არაა! (ყველანი ესევიან ევტიხის, ესიკელა არავის უშვებს და წინ ეღობება, ამ დროს შემოირბნენ მეურმეები: დასვრილები, სახრეებით ხელში და მიაშურებენ ევტიხის. ესიკელა იფარავს ხაზენს).

მეურმეები. (ევტიხის) ფული, ბოშო, ფული რა უქენი?

ევტიხი. მოგართმევთ, ბატონო, მაცალეთ ცოტა.

ესიკელა. ჯერ არ ოულია, შე კიცო, მოგცემთ რა დაგემართათ!

მეურმეები. იი! არა, ვის ატყუებ შენა! რაფა, ჩვენ არ ვიცით გგონია თუ! (ყველანი გარს ეხვევიან ევტიხის. დიდი ხმაურობა და ყვირილია. ესიკელა უკან უკან იხვევს და უნდა ევტიხი გააპაროს, მაგრამ შენიშნავენ და მივარდებიან)

ეველანი. სად წახვალთ, სად! (ევტიხი ფანჯარაში გადახტება, ესიკელა მას გადაჰყვება, მეურმეები მათ მისდევენ და თითო-თითოს უჭირებენ სახრეებს ესიკელას და ევტიხის, მეურმეებს მისდევს შტიეგერი, რომელიც წაიფორახილებს და წაიქცევა, ზედ დაეცემა გოჯასპირი, მათ ზედ დაჰყვება კესარია. აბდულა ქოშებს გაიხდის და ესვრის).

გოჯასპირი. (ყვირის) მიშველეთ, გამქულიც ეს კაცი!

ეველანი. ვერ წახვალ, ვერა!

აბლუა. (ყვირის და ქოშებს ესვრის) არღა გედირსან, დონღუზ ქოფოიოლი! ქართანქალ ქოფოიოლი! ეშაქ ქოფოიოლი! (დიდი ყვირილი და ხმაურობაა საერთოდ.

გოგია.

ფ ა რ დ ა :



საწიგოლოუციო კუპლეტები.

(ხონისთვის)

„ღიანას“.

განთიადზე დაიბადე
 ღრუბლებე შორის ბრძოლის ალში;
 ჩოს გიპოვე შემიყვარდა
 ზღვის ჩოჩქოლი... ტალღათ ტაში...
 დეე... სული შენს წინაშე
 გარდაიქმნეს, გმირათ იქცეს;
 ძველ ცხოვრების საძირკველიც
 დაიმსხვრეს და მტვრათა იქცეს!.

„პარტ. წრის“.

ხელთ მიქირავს ლალ ზურმუხტით
 მოვერცხლილი თასი წმინდა,
 და ეს გრძნობაც, ვფიქრობ, გულთ,
 თქვენს კალთაში აშიშინდა!(?)
 დაე... სულმა ინავარდოს,

თქვენთან ერთად დღევილ ზღვაზე..

და საერთო ტვირთი მძიმე

აიტანოს გოლგოთაზე!

„ქუხს“.

მოძრაობის ავანგარდო
 ცხრაას ხუთის წითელ ზოლთ,
 დღეს ცხოვრების უკმეხ ტალღებს
 ვინ ეკვითა— შეებრძოლა?!
 ხელთ აიღე საქე ძველი
 დრო ბრუნვაში რო დაავდე,
 ჩემთ მოძულეთ კერპთა შორის
 მსურს მებრძოლათ შენა წყავდე!!

„ვისაც ეპუთვნის“.

თუ ინებებ კარგათ იცი
 ჰეროსტრატემ რა ქნა გახსოვს?
 შხამ-შარბათის ნაცვლად სული
 თქვენს ქვენა სულს ცეცხლს ჩააქსოვს!

ყოველ-კვირეული იუმორისტული გამოცემა

ეშმაკი

მიიღება ხელისმოწერა 1917 წლისათვის

ჟურნალის ფასი: 12 თვით 9 მ. —
 6 თვით 5 მ. — კ.
 3 თვით 2 მ. 50 კ.
 1 თვით — 90 კ.

ეშმაკის მათრახში დაიბეჭდება მხოლოდ იუმორის.
 ტული შინაარსის წერილები, ლექსები, მოთხრობები,
 ზღაპრები, არაკები, შარადები, გამოცანები,
 ნაკვეთებიდა სხვა.

ჟურნალის სამხატვრო და სალიტერატურო მხარეს განაგებს ე. შ. ა. ქ. ი.,
 ხოლო გამოცემის საქმეს კანტორა „გ ა ნ ა თ ლ ე ბ ა“

რედაქცია სთხოვს როგორც თანამშრომლებს, ისე ხელის მომწერლებს რომ მისაღები და
 ფული ამ აღრესზე: გაჰოიგზაფონ ტიფლის, ს. რ. ტავარტილადზე, Ольгинская, 6
 поч. яш. № 96.

„ნოქრამბს“.

თქვენ ხართ ბედის უჩაქუტე
 სხვა ვინ არის თქვენს გარშემო?
 წუთიერთ თქვენ მაჩუქეთ
 ეს სიმღერა ღმერთო ჩემო!
 დაე თქვენმა სულის ლტოლვამ
 ააოხროს ყოფნა ძველი!
 და ერთბაშე თვით ააცვას
 მოწოდების სიტყვა წრფელი!

„ხონს“.

ეს ვაჭრული წესი მაინც
 თანვე გდევს და არ გეშვება,

ფიქრობ: სენი სიმანძილის
 ნეტა როდის დაგორდება!


— რომ გზა წმინდა პოლიტიკის
 მით გაიკაფ-გაიხალოს...
 და სრულ ყოფილ სახემ უენმან
 სხვა გზა ჰპოვოს, გამოახოს!

ი გოლგოთელი.

ფონდი

ილია და აბიბს მეგრულიშვილებისაგან მივი-
 ლეთ 5 მ. „ეშმაკის მათრახის“ ფონდის გასაძლიე-
 რებლათ 5 —, „სხივის“.

უჩინ-მაჩინის სარკე*



უფროსი მილიციისა. აი, მე ვაქედვე შორს, შორს ქუჩაში მგზავრსა ძარცვავენ... აი იქ სადღაც
 ჯურღმულში ეშმაკმა ჩუმათ ერთი ქიქა ღვინო დალია. დამნაშავე მყისვე ჩემს ხელში იქნება.

*) სიუჟეტი სასესება „დედა-ენიდან“ (მებაღურის შვილი).